



KABINET DIREKTORA

Broj: 01- 02-5-78-145 /16  
Banja Luka, 28.04. 2016. godine

1. REGIONALNI CENTAR TUZLA  
ODSJEK ZA CARINSKE POSLOVE
2. CARINSKI REFERAT NA GRANIČNOM  
PRELAZU BRATUNAC

**Predmet: Objašnjenje o pojednostavljenoj carinskoj proceduri kod unosa robe, mašina, opreme i uređaja u carinsko područje Bosne i Hercegovine i vraćanja iz tog područja, za izgradnju mosta Bratunac-Ljubovija, dostavlja se**

**1. OPŠTE ODREDBE**

1.1. Sporazumom između Savjeta ministara Bosne i Hercegovine i Vlade Republike Srbije o izgradnji međudržavnog mosta preko rijeke Drine sa pratećim putnim objektima na lokaciji Bratunac-Ljubovija ("Službeni glasnik BiH-Međunarodni ugovori", broj 1/16), (u daljem tekstu: Sporazum), između ostalog, propisano je sljedeće:

- Sporazumom se uređuju osnove saradnje i zajedničke izgradnje mosta preko rijeke Drine, sa pratećim putnim objektima, na lokaciji Bratunac-Ljubovija, te koordinacija i usklađivanje priprema za izgradnju objekata (član 1. prvi podstav),
- nadležni organi za sprovođenje Sporazuma su:
  - za Bosnu i Hercegovinu: Ministarstvo komunikacija i transporta,
  - za Republiku Srbiju: Ministarstvo građevinarstva, saobraćaja i infrastrukture,koji organi će formirati zajedničko operativno tijelo od predstavnika obje ugovorne strane, u cilju realizacije aktivnosti iz Sporazuma (član 4.),
- članom 7. propisano je:

"Ugovorne strane su saglasne da učine napore u cilju pojednostavljenja carinskih procedura vezano za realizaciju projekta izgradnje mosta i svih putnih objekata koji omogućavaju njegovo funkcionisanje.

Ugovorne strane su saglasne da se na materijale i predmete, opremu, mašine i uređaje, koji će se koristiti u skladu sa stavom 1. ovog člana, *ne naplaćuje carina i porez, razne dažbine i slična davanja pri njihovom unosu ili uvozu na carinsko područje države druge ugovorne strane, pod uslovom da se isti dokazano ugrade ili upotrijebe tokom izvođenja radova, odnosno dokazano vrate u carinsko područje odakle su uvezeni.*

Kontrolu unosa ili uvoza, namjene, upotrebe i povrata predmeta iz stava 2. ovog člana sprovode carinske službe država ugovornih strana, u skladu sa važećim carinskim i drugim propisima država ugovornih strana.

Prije uvoza ili unosa, namjene, upotrebe i povrata predmeta iz stava 2. ovog člana, ugovorne strane se obavezuju da će po dobijenom obrazloženom zahtjevu drugoj ugovornoj strani za svaki konkretan uvoz, unos, namjenu, upotrebu i povrat predmeta, osigurati prethodnu pisanu saglasnost carinske službe svoje države."

- 1.2. U svrhu postupka oslobađanja od plaćanja uvoznih dažbina i drugih dažbina propisanog članom 7. Sporazuma, Ministarstvo komunikacija i transpora Bosne i Hercegovine, shodno članu 2. tačka 22. Odluke o postupku ostvarivanja prava na oslobađanje od plaćanja carine pod posebnim uslovima ("Službeni glasnik BiH", br. 19/05 i 52/05), izdalo je Potvrdu broj: 02-04-14-1-1095-2/16 od 25.04.2016. godine.
- 1.3. Ovim objašnjenjem, u cilju pojednostavljenja carinske procedure predviđenog članom 7. Sporazuma, **bliže se određuje način sprovođenja tog pojednostavljenja:**
- kod unosa ili uvoza u carinsko područje Bosne i Hercegovine (u daljem tekstu: unos u BiH) robe i mašina, opreme i uređaja u svrhu njihove ugradnje i upotrebe tokom izvođenja radova na izgradnji mosta Bratunac-Ljubovija (u daljem tekstu: most),
  - kod povrata iz BiH robe koja je unijeta a nije upotrijebljena tokom izvođenja radova na izgradnji mosta (dalje: povrat iz BiH neupotrijebljene unijete robe) i
  - kod povrata iz BiH unijetih mašina, opreme i uređaja u carinsko područje iz kojeg su unijeti.
- 1.4. Carinski nadzor i kontrolu kod unosa robe, mašina, opreme i uređaja u BiH, njihove namjene i upotrebe za vrijeme izvođenja radova na izgradnji mosta, kao i kod povrata iz BiH unijete robe, mašina, opreme i uređaja obavlja Carinski referat na graničnom prelazu Bratunac (u daljem tekstu: CR/GP Bratunac).

## 2. OBAVEZE I ODGOVORNOSTI IZVOĐAČA RADOVA KOD UNOSA I POVRATA ROBE, MAŠINA, OPREME I UREĐAJA

- 2.1. Izvođač radova na izgradnji mosta je: Privredno društvo MBA-Ratko Mitrović Niskogradnja doo Beograd, Savski nasip br. 1-3 (u daljem tekstu: Izvođač).
- 2.2. **Izvođač je lice koje unosi** robu, mašine, opremu i uređaje u BiH za potrebe izgradnje mosta i **lice koje unijetu neupotrijebljenu robu i unijete mašine, opremu i uređaje vraća** iz BiH u carinsko područje odakle su unijeti, nezavisno da li to Izvođač sam čini ili drugo lice u njegovo ime (npr. prevoznik).
- 2.3. Izvođač je dužan robu, mašine, opremu i uređaje koje unese u BiH koristiti samo u namjene predviđene Sporazumom (na šta ga obavezuje i Ugovor o izgradnji), tj. samo za izvođenje radova na izgradnji mosta.
- 2.4. Stoga, **Izvođač je lice odgovorno za carinski dug** (uvozne i druge dažbine) u smislu člana 195. ili 196. Zakona o carinskoj politici Bosne i Hercegovine ("Službeni glasnik BiH", br. 57/04, 51/06, 93/08, 54/10 i 76/11, objavljen i na web stranici ove Uprave: [www.uino.gov.ba](http://www.uino.gov.ba)), (koje odredbe sadržajno odgovaraju članu 239. i 240. Carinskog zakona Republike Srbije), sve dok robu, mašine, opremu i uređaje unijete u BiH dokazano nerazduži u smislu člana 7. drugi podstav Sporazuma (dokazano ugradi ili upotrijebi tokom izvođenja radova, odnosno dokazano vrati u carinsko područje odakle su unijeti).
- 2.5. Unos robe, mašina, opreme i uređaja u BiH i povrat istih iz BiH Izvođač će obavljati preko Graničnog prelaza Bratunac-Ljubovija, koji je za navedene svrhe, odobren kao privremeni robni granični prelaz prema Rješenju Ministarstva bezbjednosti BiH, broj:12-02-04-8-2833/16 od 20.04.2016. godine (uključujući i kasnije njegove eventualne izmjene/dopune), i to u periodu i dnevnom vremenu određenom tim rješenjem.  
U slučaju potrebe za korišćenjem i drugog graničnog prelaza za robni promet u BiH, Izvođač je dužan blagovremeno obavijestiti CR/GP Bratunac, radi odobravanja pristupa elektronskim kontrolnicima iz tačke 3. i 4. ovog objašnjenja od strane ove Uprave.
- 2.6. Radi sprovođenja člana 7. Sporazuma, Izvođač je dužan obezbijediti da robu koju unosi u BiH za izgradnju mosta, kao i kod povrata iz BiH unijete neupotrijebljene robe, prati odgovarajući komercijalni dokument u dva primjerka, koji, za carinske svrhe, mora sadržavati podatke navedene u tački 2.7. ili 2.8.

ovog objašnjenja, zavisno od situacije.

- 2.7. Kod unosa robe u BiH, komercijalni dokument, mora sadržavati:
- podatke o izdavaocu dokumenta,
  - broj i datum dokumenta i ovjeru izdavaoca,
  - naznaku: "Izgradnja mosta Bratunac-Ljubovija",
  - podatke o robi: trgovački opis robe, tarifnu oznaku robe iz Carinske tarife (8 cifara), količinu u jedinici mjere, vrijednost i valutu, neto (kg) i bruto (kg) masu robe i
  - ako su poznati u trenutku izdavanja komercijalnog dokumenta, podatke o identitetu i neto masi (kg) prevoznog sredstva koje će prevoziti predmetnu robu.
- 2.8. Kod povrata iz BiH neupotrijebljene unijete robe, komercijalni dokument za tu robu mora sadržavati:
- podatke o izdavaocu dokumenta,
  - broj i datum dokumenta i ovjeru izdavaoca,
  - naznaku: "Izgradnja mosta Bratunac-Ljubovija",
  - podatke o robi koja se vraća: trgovački opis robe, tarifnu oznaku robe iz Carinske tarife (8 cifara), količinu u jedinici mjere, vrijednost i valutu, neto (kg) i bruto (kg) masu robe,
  - ako su poznati u trenutku izdavanja komercijalnog dokumenta, podatke o identitetu i neto masi (kg) prevoznog sredstva koje će prevoziti predmetnu robu,
  - poziv na prethodni komercijalni dokument/dokumenta (PD) po kome je predmetna roba unijeta/zadužena i to: oznaka "PD", te broj i datum tog prethodnog dokumenta/dokumenata (npr: "PD 8/10.05.2016") i
  - podatke o carinskoj evidenciji/zaduženju tog prethodnog komercijalnog dokumenta/dokumenata koji su upisani na istom od strane CR/GP Bratunac prilikom unosa robe (npr: "KZ/6/09.05.2016/GP Bratunac").
- 2.9. Izvođač je dužan CR/GP Bratunac **redovno dostavljati primjerak samo one privremene situacije** kojom je obuhvaćena roba koja je unijeta u BiH i upotrijebljena tokom izvođenja radova (sva ili dio) i koju treba razdužiti na način propisan tačkom 4.3. podtačka a) ovog objašnjenja, *što se isto odnosi i na dostavljanje okončane situacije.*

Uz svaku dostavljenu situaciju mora biti priložena ovjerena **Izjava Izvođača** o razduženju robe unijete u BiH, na obrascu iz Priloga 1. ovog objašnjenja, u dva primjerka. Izjava Izvođača mora sadržavati:

- broj, datum i ovjeru Izvođača,
- podatke o broju i datumu dostavljene situacije na koju se odnosi Izjava Izvođača,
- podatke o robi koja se razdužuje: trgovački opis robe, osmocifrena tarifna oznaka, količina u jedinici mjere, vrijednost i valuta, neto (kg) i bruto (kg) masa robe,
- podatke o prethodnom komercijalnom dokumentu/dokumentima po kome je roba koja se razdužuje unijeta u BiH i to: oznaka: PD, te broj i datum tog dokumenta/dokumenata (npr: "PD 8/10.05.2016") i
- podatke o carinskoj evidenciji/zaduženju tog prethodnog komercijalnog dokumenta/dokumenata (npr: "KZ/6/09.05.2016/GP Bratunac").

Izvođač je odgovoran za tačnost podataka navedenih u toj izjavi.

- 2.10. Radi sprovođenja člana 7. Sporazuma, Izvođač je dužan CR/GP Bratunac, dostaviti ovjerenu **Specifikaciju mašina, opreme i uređaja**, na obrascu iz Priloga 2. ovog objašnjenja, koju će unositi u BiH za potrebe izgradnje mosta (a kasnije i eventualne dopune iste) i to prije njihovog prvog unosa ili najkasnije prilikom prvog unosa.

Specifikacija mašina, opreme i uređaja, za carinske svrhe, mora, zasebno za svaku mašinu, opremu i uređaj, **u jednoj jedinici mjere**, sadržavati sljedeće podatke:

- redni broj,
- trgovački naziv, sa sažetim određenijim opisom na osnovu koje se može identifikovati,

- tarifnu oznaku Carinske tarife (osam cifara),
- njenu odgovarajuću identifikacionu oznaku na osnovu koje se može identifikovati i evidentirati u carinskim elektronskim kontrolnicima prilikom unosa u i njihovog povrata iz BiH,
- količinu u jedinici mjere,
- vrijednost i valutu,
- neto (kg) masu mašine, opreme i uređaja,
- broj i datum i ovjeru Izvođača.

2.11. Izvođač je dužan u svemu postupati po ovom objašnjenju.

Takođe je dužan o ovom objašnjenju upoznati prevoznike i druga lica koja će u njegovo ime vršiti unos u BiH i povrat iz BiH robe, mašina, opreme i uređaja za potrebe izgradnje mosta, te ih obavezati da mu predaju dokumenta ovjerena od strane postupajućeg CR/GP Bratunac ili drugog graničnog prelaza (ako se bude koristio).

### 3. SPROVOĐENJE POJEDNOSTAVLJENE CARINSKE PROCEDURE KOD UNOSA U BIH ROBE, MAŠINA, OPREME I UREĐAJA

3.1. CR/GP Bratunac, **za unos** robe, mašina, opreme i uređaja u BiH za potrebe izgradnje mosta, vodi:

- **Elektronski kontrolnik zaduženja** (u daljem tekstu: **kontrolnik KZ**), u koji se evidentira:
  - svaki unos robe,
  - svaki unos mašina, opreme i uređaja i
  - prevozno sredstvo kojim se prevozi roba, mašine, oprema i uređaji.

3.2. Na ulazu u carinsko područje BiH, Izvođač ili lice koje, u njegovo ime, unosi robu dužno je CR/GP Bratunac predočiti robu koju unosi i komercijalni dokument o toj robi u dva primjerka (vidi tačku 2.7.).

3.3. Postupajući carinski službenik CR/GP Bratunac svaki unos predočene robe evidentira/zadužuje u kontrolnik KZ, po grupi podataka, kako slijedi:

- *opšti podaci*: odabere vrstu evidencije (Robe), te upisuje broj i datum komercijalnog dokumenta koji prati robu,
- *podaci o prevoznom sredstvu*: upisuje identitet i neto (kg) masu prevoznog sredstva kojim se prevozi predmetna roba,
- *podaci o robi*: upisuje trgovački opis robe, tarifnu oznaku (osam cifara), količinu, jedinicu mjere, vrijednost i valutu, neto (kg) i bruto (kg) masu robe.

Nakon sprovedene procedure, na oba primjerka predočenog komercijalnog dokumenta, postupajući službenik upisuje sljedeću zabilješku: oznaku KZ, broj i datum pod kojim je u kontrolniku KZ evidentiran/zadužen taj dokument i roba na koju se odnosi i naziv ulaznog GP Bratunac (npr. "KZ/10/06.05.2016/GP Bratunac"), uz ovjeru potpisom i otiskom službenog pečata.

Nakon toga, jedan primjerak komercijalnog dokumenta zadržava u službenoj evidenciji (i čuva u posebnom registratoru), a drugi primjerak vraća Izvođaču, odnosno licu koje je predočilo robu.

3.4. **Svaki unos mašina, opreme i uređaja** u BiH za potrebe izvođenja radova na izgradnji mosta, Izvođač, odnosno lice koje iste unosi dužno je usmeno prijaviti i predočiti CR/GP Bratunac.

CR/GP Bratunac, prije prvog evidentiranja/zaduženja unosa mašina, opreme i uređaja u kontrolnik KZ, mora u bazu tog kontrolnika unijeti sve podatke iz Specifikacije mašina, opreme i uređaja iz tačke 2.10. ovog objašnjenja.

Postupajući carinski službenik CR/GP Bratunac svaki unos predočene mašine, opreme i uređaja, evidentira/zadužuje u kontrolnik KZ, kako slijedi po grupi podataka:

- *opšti podaci*: odabere vrstu evidencije (Radne mašine),

- *podaci o prevoznom sredstvu*: upisuje identitet i neto (kg) masu prevoznog sredstva na kojem se prevoze mašine, oprema i uređaja (ako je u pitanju takva situacija),
- *podaci o svakoj mašini, opremi i uređaju u predmetnom unosu u BiH*: iz Specifikacije mašina, opreme i uređaja (prethodno unijete u bazu kontrolnika) odabere mašinu, opremu ili uređaje koji se unose/zadužuju, zatim upisuje njihovu količinu i izabere odgovarajuću jedinicu mjere i potvrdi unos.

Nakon evidentiranja/zaduženja unijetih mašina, uređaja i opreme u kontrolnik KZ, postupajući carinski službenik štampa primjerak tog Zapisa o zaduženju/evidenciji iz kontrolnika KZ, te isti ovjerava i uručuje licu koje ih je predočilo. *Taj primjerak carinske evidencije/zaduženja Izvođač mora kasnije predočiti CR/GP Bratunac prilikom njenog vraćanja iz BiH radi razduženja.*

- 3.5. Prilikom unosa podataka u elektronske kontrolnike (KZ i KR), treba slijediti i objašnjenja/napomene date u vidu zapisa u samim kontrolnicima. U slučaju potrebe, za unos određenih podataka ili informacija, koristi se kolona "Dodatna napomena".

#### 4. SPROVOĐENJE POJEDNOSTAVLJENE CARINSKE PROCEDURE KOD RAZDUŽIVANJA ROBE, MAŠINA, OPREME I UREĐAJA UNIJETIH U BiH (UPOTREBA I POVRAT)

- 4.1. CR/GP Bratunac, **za razduživanje** robe, mašina, opreme i uređaja unijete u BiH za potrebe izgradnje mosta, vodi:
- **Elektronski kontrolnik razduženja** (u daljem tekstu: kontrolnik KR), u koji evidentira:
    - svako razduženje unijete robe (razduženje na osnovu privremene ili okonačne situacije ili na osnovu povrata iz BiH neupotrijebljene unijete robe, zavisno od situacije),
    - svaki povrat iz BiH unijete mašine, opreme i uređaja i
    - prevozno sredstvo kojim se prevozi roba, mašine, oprema i uređaji.
- 4.2. Na izlazu iz carinskog područja BiH, Izvođač odnosno lice koje, u ime Izvođača, vraća iz BiH unijetu neupotrijebljenu robu, dužno je CR/GP Bratunac predočiti robu koju vraća/iznosi i komercijalni dokument o toj robi u dva primjerka (vidi tačku 2.8.).
- 4.3. Postupajući carinski službenik CR/GP Bratunac svako razduženje unijete robe evidentira/razdužuje u kontrolnik KR, kako slijedi, zavisno od načina razduženja:
- a) ako se unijeta roba razdužuje njenom UPOTREBOM u izgradnji mosta **podnošenjem CR/GP Bratunac privremene ili okonačne situacije i Izjave Izvođača** o razduženju te robe (vidi tačku 2.9.):
- prije poziva zapisa zaduženja, odabere vrstu načina razduženja (Privremena ili Okončana situacija), zatim unosi godinu, lokaciju i broj kontrolnika zaduženja i pronalazi zapis/zapise zaduženja te robe,
  - nakon toga u pronađenom zapisu/zapisima zaduženja upisuje:
    - broj i datum podnijete privremene ili okonačne situacije,
    - *podatke o robi koja se razdužuje i navedena je u Izjavi Izvođača*: količina, vrijednost, neto (kg) i bruto (kg) masa. U kontrolniku KR roba se razdužuje na osnovu neto (kg) mase,
    - *u koloni "dodatne napomene"*: upisuje podatke o podnijetoj Izjavi Izvođača: (npr: "Izjava izvođača o razduženju robe, broj ..... od ..... 201..").

Po okončanju prednje navedenog razduženja upotrijebljene robe, postupajući službenik na oba primjerka Izjave Izvođača i na podnijetoj situaciji upisuje sljedeću zabilješku: oznaku KR, broj i datum pod kojim je u kontrolniku KR evidentirano razduženje predmetne robe i naziv GP Bratunac (npr. "KR/12/10.07.2016/GP Bratunac"), uz ovjeru potpisom i otiskom službenog pečata.

Nakon toga, jedan primjerak Izjave Izvođača i situaciju zadržava u službenoj evidenciji (čuva u posebnom registratoru), a drugi primjerak Izjave vraća Izvođaču.

- b) ako se neupotrijebljena unijeta roba **razdužuje njenim VRAĆANJEM iz BiH**, predočenu robu evidentira/razdužuje u kontrolniku KR, kako slijedi:
- prije poziva zapisa zaduženja, odabere vrstu načina razduženja (Evidencija izlaza), zatim unosi godinu, lokaciju i broj kontrolnika zaduženja i pronalazi zapis/zapise zaduženja,
  - nakon toga u pronađenom zapisu zaduženja upisuje:
    - broj i datum komercijalnog dokumenta koji prati robu,
    - identitet i neto (kg) masu prevoznog sredstva koje prevozi predmetnu robu,
  - *podatke o robi*: količinu, vrijednost, neto (kg) i bruto (kg) masu.

Na oba primjerka predočenog komercijalnog dokumenta, postupajući službenik upisuje sljedeću zabilješku: oznaku KR, broj i datum pod kojim je u kontrolniku KR evidentiran taj dokument i razduženje robe na koju se odnosi i naziv GP Bratunac (npr. "KR/15/18/06/2016/GP Bratunac"), uz ovjeru potpisom i otiskom službenog pečata.

Nakon toga, jedan primjerak komercijalnog dokumenta zadržava u službenoj evidenciji (i čuva u posebnom registratoru), a drugi vraća Izvođaču, odnosno licu koje je predočilo robu.

- 4.4. Svaki povrat iz BiH unijete mašine, opreme i uređaja** koji su korišćeni za potrebe izvođenja radova na izgradnji mosta, Izvođač, odnosno lice koje ih, u njegovo ime, vraća dužno je usmeno prijaviti i iste zajedno sa primjerkom Zapisa o zaduženju/evidenciji u kontrolniku KZ prilikom unosa (vidi tačku 3.4. zadnji podstav) predočiti izlaznom CR/GP Bratunac.

Postupajući carinski službenik CR/GP Bratunac svaki povrat iz BiH predočene mašine, opreme i uređaja, evidentira/razdužuje u kontrolnik KR, kako slijedi:

- prije poziva zapisa zaduženja, odabere vrstu načina razduženja (Evidencija izlaza), zatim unosi godinu, lokaciju i broj kontrolnika zaduženja i pronalazi zapis/zapise zaduženja,
- nakon toga u pronađenom zapisu zaduženja upisuje:
  - količinu mašine, opreme i uređaja koji se razdužuju i
  - identitet i neto (kg) masu prevoznog sredstva na kojem se prevozi mašina, oprema ili uređaj (ako je u pitanju takva situacija).

Nakon evidentiranja/razduženja predočenih mašina, uređaja i opreme u kontrolnik KR, postupajući carinski službenik štampa primjerak tog Zapisa o razduženju/evidenciji iz kontrolnika KR, te isti ovjerava i uručuje licu koje ih je predočilo.

- 4.5.** Podaci o prevoznom sredstvu unijeti u kontrolnik KR shodno tački 4.3. podtačka b) i tački 4.4. ovog objašnjenja, iz tog kontrolnika "eksportuju" se za carinski informacioni list (CIL).

## 5. OSTALE ODREDBE

- 5.1.** Ako se u toku izgradnje mosta ukaže potreba za korišćenjem nekog drugog graničnog prelaza za robni promet u BiH, osim Graničnog prelaza Bratunac, o tome će ova Uprava obavijestiti carinski organ na tom prelazu i odobriti mu pristup elektronskim kontrolnicima propisanim ovim objašnjenjem. U tom slučaju, neće se vršiti izmjena ili dopuna ovog objašnjenja, a carinski organ na tom drugom graničnom prelazu postupa u skladu sa ovim objašnjenjem, uz prilagođavanja svog naziva), osim u slučaju navedenom u tački 1.4. (stim što obavlja carinski nadzor kod unosa/povrata) i 4.3. podtačka a), u kojim slučajevima postupa CR/GP Bratunac, a ti carinski organi međusobno saraduju.
- 5.2.** CR/GP Bratunac, dužan je Sektoru za carine ove Uprave, do završetka izgradnje mosta, redovno dostavljati sažet i jasan mjesečni izvještaj o sprovođenju ovog objašnjenja. Nezavisno od toga, ako je eventualno od strane Izvođača bilo nepoštivanja obaveza iz procedura na koje se odnosi ovo objašnjenje, o tome ste dužni odmah u pisanom obliku obavijestiti Sektor za carine.

- 5.3. O svakom eventualnom nepoštivanju obaveze od strane Izvođača o kojem Sektor za carine bude obaviješten od strane CR/GP Bratunac, dalje će obavijestiti Zajedničko operativno tijelo iz člana 4. Sporazuma, radi preduzimanja odgovarajućih radnji kako ne bi došlo do eventualnog nepoštivanja odredaba Sporazuma i nastanka carinskog duga.
- 5.4. CR/GP Bratunac dužan je Izvođaču pružiti svaku pomoć u cilju pravilnog i efikasnog postupanja u predmetnim procedurama.
- 5.5. Organi iz člana 4. Sporazuma, kojima se dostavlja ovo objašnjenje, o istom upoznaće članove Zajedničkog operativnog tijela.

## 6. ZAVRŠNE ODREDBE

- 6.1. Sastavni dio ovog objašnjenja je:
- Prilog 1. - Specifikacija mašina, opreme i uređaja i
  - Prilog 2. - Izjava Izvođača radova o razduženju unijete robe na osnovu privremene ili okončane situacije.
- 6.2. **Ovo objašnjenje primjenjuje se od 03. maja 2016. godine** do završetka izgradnje mosta, odnosno do razduženja robe, mašina, opreme i uređaja unijetih u BiH za potrebe izgradnje mosta (a u pogledu unosa/povrata robe, mašina, uređaja i opreme preko GP Bratunac vidi tačku 2.5.).
- 6.3. Ovo objašnjenje objavljuje se na Web stranici Uprave za indirektno oporezivanje: [www.uino.gov.ba](http://www.uino.gov.ba)

Dostaviti (preporučeno uz povratnicu r.b.6-10):

1. Naslovu
2. Kabinetu direktora
3. Sektorima i Odjeljenjima UIO, elektronski
4. RC-Odsjeku za carinske poslove, elektronski
5. WEB stranica UIO
6. Ministarstvo komunikacija i transporta BiH,  
Trg Bosne i Hercegovine 1/IV, Sarajevo,
7. Ministarstvo saobraćaja i veza Republike Srpske  
Trg Republike Srpske 1, Banja Luka
8. Carinska uprava Republike Srbije  
Bulevar Zorana Đinđića 155a, Beograd 11070
9. Ministarstvo građevinarstva, saobraćaja i infrastrukture  
Republike Srbije, Nemanjina 22-26, Beograd
10. Privredno društvo MBA - Ratko Mitrović Niskogradnja doo Beograd  
Beograd, Savski nasip br. 1-3
11. a/a



## SPECIFIKACIJA

**MAŠINA, OPREME I UREĐAJA KOJI SE UNOSE U CARINSKO PODRUČJE BOSNE I HERCEGOVINE ZA POTREBE IZGRADNJE  
MEĐUDRŽAVNOG MOSTA BRATUNAC-LJUBOVIJA I VRAĆAJU IZ TOG PODRUČJA PO PRESTANKU NJIHOVE UPOTREBE U NAVEDENU SVRHU**

Ovu **Specifikaciju**, Carinskom referatu na Graničnom prelazu Bratunac u Bosni i Hercegovini , podnosi **izvođač radova**:  
Privredno društvo MBA - Ratko Mitrović Niskogradnja doo Beograd, Savski nasip br. 1-3.

Za tačnost podataka u ovoj Specifikaciji odgovoran je Izvođač radova.

| R.b. | Trgovački naziv/opis | Tarifna oznaka<br>CT (8 cifara) | Identifikaciona<br>oznaka (za<br>prepoznavanje) | Količina | Jedinica<br>mjere | Vrijednost | Valuta | Neto masa<br>(kg) | Napomena |
|------|----------------------|---------------------------------|---|----------|-------------------|------------|--------|-------------------|----------|
| 1    | 2                    | 3                               | 4   | 5        | 6                 | 7          | 8      | 9                 | 10       |
|      |                      |                                 |   |          |                   |            |        |                   |          |
|      |                      |                                 |   |          |                   |            |        |                   |          |
|      |                      |                                 |   |          |                   |            |        |                   |          |
|      |                      |                                 |   |          |                   |            |        |                   |          |
|      |                      |                                 |   |          |                   |            |        |                   |          |
|      |                      |                                 |   |          |                   |            |        |                   |          |
|      |                      |                                 |   |          |                   |            |        |                   |          |
|      |                      |                                 |   |          |                   |            |        |                   |          |
|      |                      |                                 |   |          |                   |            |        |                   |          |

Broj: .....

Datum: .....

**Napomena:** Svi podaci u specifikaciji odnose se na jednu jedinicu mjere

M.P.

.....  
(potpis ovlaštenog lica)



**IZJAVA**  
**O RAZDUŽENJU ROBE UNIJETE U CARINSKO PODRUČJE BOSNE I HERCEGOVINE ZA POTREBE**  
**IZGRADNJE MEĐURŽAVNOG MOSTA BRATUNAC-LJUBOVIJA KOJA JE UPOTRIJEBLJENA U NAVEDENU SVRHU**

Ovu **Izjavu**, Carinskom referatu na Graničnom prelazu Bratunac u Bosni i Hercegovini, podnosi **izvođač radova**:  
Privredno društvo MBA - Ratko Mitrović Niskogradnja doo Beograd, Savski nasip br. 1-3, a koja je sačinjena na osnovu Privremene/Okončane situacije<sup>(1)</sup> broj: ..... od .....

Izvođač radova odgovoran je za tačnost podataka navedenih u ovoj Izjavi.

| R. b. | Trgovački opis robe | Tarifna oznaka CT (8 cifara) | Količina | Jedinična mjere | Vrijednost | Valuta | Neto masa (kg) | Bruto masa (kg) | Broj i datum prethodnog komercijalnog dokumenta po kome je roba unijeta (npr. PD 8/10.05.2016) | Podaci o carinskoj evidenciji zaduženja prethodnog komercijalnog dokumenta iz kolone 10 (npr. KZ/6/09.05.2016/GP Bratunac) | Broj iz kontrolnika razduženja (KR) - <b>popunjava carinski organ</b> (npr. KR/12/10.07.2016) |
|-------|---------------------|------------------------------|----------|-----------------|------------|--------|----------------|-----------------|--|--|---|
| 1     | 2                   | 3                            | 4        | 5               | 6          | 7      | 8              | 9               | 10   | 11   | 12  |
|       |                     |                              |          |                 |            |        |                |                 |  |  |   |
|       |                     |                              |          |                 |            |        |                |                 |  |  |   |
|       |                     |                              |          |                 |            |        |                |                 |  |  |   |
|       |                     |                              |          |                 |            |        |                |                 |  |  |   |
|       |                     |                              |          |                 |            |        |                |                 |  |  |   |

Broj: .....

Datum: .....

<sup>(1)</sup> Nepotrebno precrtati

M.P.

.....  
(potpis ovlašćenog lica)